

# 50 Jahre Seeberg Apotheke

## 1. Strophe

Leit'n tat's eich net vasteck'n,  
kemmt's in d' Seeberg Apothek'n,  
weu alle – selbst i Depp sogar,  
woaß: Durt feiern's 50 Joahr !  
Von Corona zwar valass'n  
san in Emsee alle Strass'n,  
oba i kann nur betuern,  
selbst bei Corona kann ma feiern !

Als Devise: Es muss es sein:  
Treten's bitte einzeln ein !

## Refrain 1

**Fuchzg Joahr Seeberg Apothek'n,  
tat's de Händ' zum Himmö streck'n,  
weu ganz Emsee soll heit' spüar'n,  
dass wir gerne gratulier'n.  
50 Joahr is a lange Zeit,  
Tag und Nacht da für de Leit,  
was tat – ma, wann ma eich net hätt'n,  
de Jubiläums – Seeberg – Apothek'n.**

## 2. Strophe

Brauchst an Tee und fühlst di krank,  
gibt's in Emsee – Gottseidank  
Fachleit' mit vü Kompetenz,  
vom Kreuzweh bis zur Impotenz.  
Hinta da Budl – Frau Magister,  
hülft – als wären wir Geschwister,  
selbst wann di druckt a nur a Schaaß  
kommt freundlich z'ruck: da hätt' ma was!

Flink eilt sie hin zum Regal  
und was sie bringt hilft je-edesmal.....

## Refrain 2:

**Salben, Pulverl, Kräutersäfte,  
die erwecken uns're Kräfte,  
kleine und auch große Wund'n,  
werd'n versorgt und schnell vabund'n.  
Sagt a Mann: Nix geht mehr – Sak(g)ra,  
kriagt diskret er a Viagra,  
hint'n in da Mannaek'n  
kann er seine Leid'n guad vasteck'n!**

## 3. Strophe

Ob Vakühlung, Heiserkeit,  
a Pulverl hab'ns durt stets bereit,  
samt Ratschläg' mit an guad'n Schmäh,  
weu mir san ja in Ebensee.  
Für raue Haut, da gibt's Lotionen,  
sag'n's ma bittschen, wo sie wohnen,  
Nam' und Adress' – ich bin so frei,  
des brauchat ma für de Kartei.

Kommt dann erst die Weihnachtszeit,  
san d'Auslag'n g'schmückt – ois i-ist  
bereit...

## Refrain 3

**Weihnachtsdüfte, Tee und Kerz'n,  
Wärmendes für uns're Herz'n,  
liebepoll gemachte Packerl  
und a Stern auf jed'n Sackerl.  
Beerenobst und Schokonüsserl  
für den Weihrauch Messingschüsserl  
und - was immer auch gut geht,  
Schokolade mit Fair Trade..**

Happy Birthday – ohne Schmäh,  
mit euch freut sich ganz E-ebensee...

**Fuchzg Joahr Seeberg Apothek'n,  
tat's de Händ' zum Himmö streck'n,  
weu ganz Emsee soll heit' spüar'n,  
dass wir gerne gratulier'n.  
50 Joahr is a lange Zeit,  
Tag und Nacht da für de Leit,  
was tat ma wann ma eich net hätt'n,  
de Jubiläums – Seeberg – Apothek'n.**

Und dann auch noch Geburtstag von der  
Chefin.....was will (M)ann mehr ?

Liebe Renate! Lieber Südufer – Franz!

Alles Gute zum Jubiläum und noch  
weitere, viele, erfolgreiche Jahre.....

...wünschen Franz und Sigrid